

## **Swati - Insindziso imiBhalo - Salvation Scriptures**

**Kubase-Efesu 2:2 lebenikadze nihamba kuto ngekwendlela yalomhlaba,  
ngekwembusi wemandla emkhatsi, umoya losasebenta kubantu  
labangalaleli Nkulunkulu.**

**Matewu 6:10 Umbuso wakho awute. Intsandvo yakho ayentiwe emhlabeni,  
njengobe yentiwa ezulwini.**

**Lukha 22:42 Watsi: "Babe, nawutsanza, susa kimi lendzebe yelusizi. Noko  
kungabi ngentsandvo yami, kodvwa akwenteke intsandvo yakho."**

**Johane 16:7-9 Kodvwa noko nginitjela liciniso: Kuncono kini kutsi  
ngihambe, ngobe nangingahambi, angeke ete kini uMeluleki. Kodvwa  
nangihamba, ngitamtfumela kini. 8 Nakefika yena, uyawukhanyisela  
bantu balelive kutsi yini sono, nekulunga, nekwehlulela: 9 "Sono, kutsi  
abakakhola ngimi;**

**2 kuTimothi 2:10 Ngako-ke ngicinisela kuko konkhe ngenca  
yalabakhetsiwe, kuze kutsi nabo batekwemukela insindziso lekuKhristu  
Jesu baphiwe nebukhosu baphakadze.**

**KubaseRoma 15:20,21 Ngihlala nginenshisekelo lenkhulu yekushumayela  
liVangeli etindzaweni lapho Khristu angazange eviwe khona, khona  
ngingetukwakha esisekelweni lesibekwe ngulomunye umuntfu, 21  
njengobe kubhaliwe kutsi: "Labangazange sebatjelwe ngaye,  
bayawubona; nalabo labangazange sebeve ngaye, bayawuvisisa."**

**Imisebenti yeba Phostoli 2:36,37 "Bonkhe bantu baka-Israyeli, kufanele  
bati kahle kutsi nguye yena loJesu, lenambetsela esiphambanweni,  
Nkulunkulu lasamente iNkhosi naKhristu!" 37 Kwatsi bantu nabakuva  
Ioku, bahlabeka etinhliiyweni base batsi kuPhetro nakulabanye  
baphostoli: "Pho, bazalwane, sitakwenta njani?"**

**KumaHebheru 4:2 LiVangeli lishunyayelwe kitsi, njengobe lashunyayelwa  
nakulabo bakadzeni. Kodvwa lelivi labaliva alizange libasite; ngobe  
naloku baliva ngetindlebe nje abazange balikholtse ngetinhliyo.**

**Jeremiya 24:7 Ngiyawubapha inhlitiyo yekwati mine kutsi mine  
nginguSimakadze. Bayawuba bantu bami, mine ngibe nguNkulunkulu  
wabo, ngobe bayawuphendvukela kimi ngayo yonkhe inhlitiyo yabo.**

**Imisebenti yeba Phostoli 16:14 Lomunye walabo lowasilalela nguLidiya,  
waseThiyathira, umtsengisi wetingubo letibukhwebeletane; abengumfati  
losikhonti saNkulunkulu. INkhosi yavula inhlitiyo yakhe kuze eve  
emukele loko lokwakukhulunywa nguPawula.**

**Matewu 13:14,15 Kugcwaliseka kubo siprofetho sa-Isaya lesitsi: “ ‘Ngekuva niyakuva, ningete nacondza; ngekubuka niyawubuka, ningete nabona.**  
**15 Ngobe inhlitiyo yalesive seyaba luhuni, netindlebe tabo tiva kamatima, emehlo abo bawavalile; funa mhlawumbe ngemehlo abo babone, nangetindlebe tabo beve, nangetinhlitiyo tabo bacondze baphendvuke, bese ngiyabaphilisa.’**

**Isaya 6:9,10 Watsi: “Hamba utjele lesive utsi: “ ‘Lalelani njalo, kodvwa ningeva; bukani njalo, kodvwa ningaboni.’ 10 Yenta inhlitiyo yalabantfu ibe ndzindzima, netindlebe tabo tibe butfuntfu ekuveni, uvale nemehlo abo, bangahle babone ngemehlo abo, beve ngetindlebe tabo, bacondzisise ngetinhlitiyo tabo, bagucuke, bese bayaphiliswa.”**

**Makho 4:11,12 Waphendvula watsi: “Nine niphewe imfihlakalo yembuso waNkulunkulu, kodvwa laba labangephandle konkhe bakutfolo ngemifanekiso, 12kuze kutsi: “ ‘Nome babona, bangakhanyelwa kahle, nome beva, bangacachelwa kahle, bangetiwuphendvuka babuyele kuNkulunkulu, batsetselelwe tono tabo.’ ”**

**Johane 12:39,40 Ngako-ke abazange bakhole, ngobe Isaya waphindze watsi: 40 “Nkulunkulu sewumphutsekise emehlo abo, netingcondvo tabo sewutivalile, kuze emehlo abo angaboni, netingcondvo tabo tingacondzisisi, bangabe baseta kimi, kuze ngitebaphilisa, kusho iNkhosi.”**

**KubaseRoma 11:7,8 Pho-ke yini? Kusho kutsi bantfu baka-Israyeli abakakutfoli loko bebakufuna, kodvwa kwatfolwa ngulabakhetsiwe; laba labanye bentiva baba luhuni, 8 njengobe kubhaliwe kutsi: “Nkulunkulu wabanika umoya webulima, nemehlo ekungaboni, netindlebe tekungeva, kuze kuge ngulamuhla.”**

**2 KubaseThesalonika 2:10,11 nayo yonkhe inkohliso yekwedukisa lababhubhako, ngobe abazange balitsandze liciniso laKhristu labebangasindziswa ngalo. 11Ngako-ke Nkulunkulu ubatfumelela emandla enkhohlakalo, kuze bakhole loko lokungemanga. 12Ngako-ke bonkhe labo labangazange balikhole liciniso, kodvwa baba nenjabulo kuloko lokungakalungi, bayakwehlulelwa ngekulahlwa.**

**Matewu 13:18-23 “Lalelani-ke kutsi umfanekiso ngemhlanyeli usho kutsini. 19 Bantfu labatsi nabeva livi lembuso kepha banete baliconta, bayaye befikelwe nguLomubi, abemuke loko bekuhlanyelwe etinhlitiywani tabo: loko-ke kusho inhlanyelo leyayihlanyelwe endleleni. 20 Kuhlanyelwa kwenhlanyelo emhabatsini losemadvwaleni kusho labo labalivako livi lembuso balemukele masinyane ngekujabula. 21 Kepha ngekubate timphandze letijulile etinhlitiywani tabo, bahlala sikhashana nje. Kutsi**

**kungavela tinhlupheko nome kutingelwa ngenca yelivi, bese bahlubuka masinyane. 22 Kuhlanyelwa kwenhlanyelo emanyeveni kusho labalivako livi lembuso, kodvwa tinhlupheko macondzana nalemphilo nelutsandvo lwebunjinga kuyaye kuliminyetele livi bangabe basatsela titselo. 23 Lena Ieyayihlanyelwe emhlabatsini lovundzile ifanekisa Iwo lolivako livi, alicondze, bese utsela titselo: lomunye ngelikhulu, lomunye ngema-60, nalomunye ngema-30.”**

**2 KubaseKorinthe 3:15,16 Yebo, kudzimate kube ngulamuhla, nakufundvwa tincwadzi taMosi, kuba shangatsi kukhona indvwangu lembonye tingcondvo tabo, baka-Israyeli. 16Kodvwa “umuntfu nakaphendvukela kuNkulunkulu, indvwangu iyesuswa.”**

**Isaya 30:28 Kuphefumula kwakhe kunjengesikhukhula semanti lesigeletako, nasikhuphuka size sifike ngasentsanyeni. Unyakatisa tive esisefeni sakhe sembhuhiso; ubeka emihlatsini yebantfu litomu lekubaholela ekwedukeni.**

**Hoseya 11:3-7 Ngimi lowacatfulisa Efrayimu, ngamtsatsa ngambamba ngemikhono; kodvwa akazange akunake kutsi ngimi lowamphilisa. 4 Ngabadvonsa ngetintsambo temusa webuntfu, ngetibopho telutsandvo; ngaphakamisa lijoko entsanyeni yabo, ngagobondzelela kubo, ngabafunta. 5 “Bangeke yini babuye eGibhithe, yona i-Asiriya ingeke yini ibuse etikwabo, njengobe naku bayala kuperhendvuka? 6 Kuyawuba bumanyamanya betinkemba emadolbheni abo, tiyawubhidilita imicabo yetinsimbi yemasango abo, tiwacedze emacebo abo. 7 Bantfu bami batimisele kusuka kimi. Ngisho nome sebangambita Longetulu Kwako Konkhe, angeke abaphakamise ngisho nangayiphi indlela.**

**Imisebenti yeba Phostoli 26:18 Utawuvula emehlo abo, kuze besuke ebunyameni bagucukele ekukhanyeni besuke nasemandleni aSathane baye kuNkulunkulu, kuze batsetselelwe tono tabo babelwe nendzawo emkhatsini walabahlantwe ngekukholwa kimi.’ ”**

**2 kuTimothi 2:24-26 Sisebenti seNkhosi asikafaneli kutsi silwe, kodvwa sifanele kutsi sibe mnene kubo bonkhe bantfu, sibe nelisu lekufundzisa, sibeketele, 25 sibayale ngemoya lomnene labo labamelene naso, mhlawumbe Nkulunkulu angabanika kuperhendvuka, badzimate balati liciniso, 26baze basanguluke etingcondvwensi tabo, baphunyule elugibenIwaSathane, lowabagcilata kuze bente intsandvo yakhe.**

**Sembulo 3:17-19 Wena utsi: “Nginjingile, nginako konkhe, angidzingi lutfo.” Kodvwa awati kutsi ungumuntfu wenhlupheko, newekuhawukelwa, uphuyile, uyimphumphutse, ungcunu. 18 Ngako-ke ngiyakuyala kutsi utsenge kimi igolide lelolongwe ngemlilo, khona utewuceba, utsenge**

**tingubo letimhlophe tekwembatsa, khona utewufihla bungcunu bakho kutsi bungabonakali, utsenge nemutsi wekugcobisa emehlo akho kutsi ubone. 19 Labo lengibatsandzako ngiyabakhalmela ngibajeze; ngako-ke shisekela lokuhle, uphendvuke.**

**2 KubaseKorinthe 7:10 Kudzabuka lokukwaNkulunkulu kuveta kuperhendvuka kube kusindziswa, kubete kutisola ngako; kodvwa kudzabuka lokukwemhlaba kuveta kufa.**

**1 Emakhosi 18:37 Ngiphendvule, Simakadze, ngiphendvule, kuze kutsi labantfu batekwati kutsi wena, Simakadze, unguNkulunkulu nekutsi tinhltiyo tabo uyatigucula.”**

**2 KubaseKorinthe 4:4 Ngobe kubo labangakholwa nkulunkulu walomhlaba uphumphutsekise tingcondvo tabo, kuze kungasi kubo kukhanya kweliVangeli lenkhatimulo yaKhristu, lofute Nkulunkulu.**

**Lukha 8:11-15 “Lomfanekiso uchaza loku: Inhlanyelo livi laNkulunkulu. 12 Kuhlanyelwa kwaleyo leyawela endleleni kufanekisa labo labalivako livi laNkulunkulu bese kufika Sathane uyalisusa etinhltiyweni tabo, kuze bangakholwa funa basindziswe. 13 Kuhlanyelwa kwaleyo leyawela emhlabatsini losemadvwaleni kufanekisa labo labatsi nabalivako livi laNkulunkulu balemukele ngekutfokota, kodvwa ngenca yekungalijulisi kwabo etinhltiyweni tabo, bakholwa sikhashana. Kutsi kungefika kulingwa, bese balilahla phansi. 14 Kuhlanyelwa kwaleyo leyawela emhlabatsini losemanyeveni kusho labo labatsi sebalivile livi laNkulunkulu, kodvwa tinhlupheko nebunjinga, netinjabulo talomhlaba kubaminyetele batsele titselo lettingavutfwa. 15 Kuhlanyelwa kwaleyo leyawela emhlabatsini lovundzile kufanekisa labo labalivako livi laNkulunkulu baligcine ngekutitfoba lokukhulu babeketele, baze batsele titselo letihle.”**

**Imisebenti yeba Phostoli 15:11 Cha! Sikholwa kutsi tsine nabo sisindziswa ngalokufananako ngemusa weNkhosi yetfu Jesu.”**

**KubaseRoma 8:13 Ngobe naniphila ngekwenyama, nitawufa; kodvwa nangabe nibulala imisebenti yenyama ngaMoya, nitawuphila.**